



Inatsisartunut ilaasortaq
Malik Berthelsen
Siumut

Pequtinik assartuisarneq

Asasara Malik Berthelsen.

Apeqqutigisannut qjanaq. Sulisut soraarnerminnut atatillugu Nunatsinniit aallarneranni angalanermut pequtinillu assartuineranut akiliunneqartarnerat pillugu malittarisassanut tunngasunik apeqquteqarputit.

- 1) **Suliffeqarfinni Namminersorlutik Oqartussat ataanni inissisimasuni, illoqarfiup nunattaluunniit avataaniit atorfinitsitsinermi, piumasaqaaateqarnerluni, piffissami aliangersimasumi aatsaat sulisimagaanni angerlamut angalanermut pequtaasalu ssartornerannut aatsaat akiliussisoqartassasoq?**

Inuit atorfininnerminnut atatillugu angalanerminnut pequtiminnullu akiliunneqarsimasut pisortani sivikinnerpaamik ukiuni pingasuni atorfeqarsimassapput soraarnermut atatillugu pequtit assartornerinut akiliunneqarsinnaassagunik. Tamanna Namminersorlutik Oqartussat sulineranut atatillugu inatsisitigut isumaqatigiissutaanni malinneqarpoq. Taamaattorli nalinginnaasumik ukiunik pingasunik piumasaqartoqarnera misiligutitigut aaqqissuussinerni ataasiakkaani atorneqarnej ajorpoq.

- 2) **Qulaani apeqqutigisama assinganik, Namminersorlutik Oqartussat suliffeqarfiutaanni elsskab-iunngitsuni aammalu tamakiisumik ilaannakuusumilluunniit selsskab-iutaanni atorfininnermut piumasaqaaateqartoqarnerasoq Naalakkersuisut ilisimasaqarfiginerlugu? Piumasaqaaateqartoqartarsimanngippat suliffeqarfimmik piginnittutut piginneqataasutulluunniit (Naalakkersuisunit) piumasaqaatigineqarnissaa eqqarsaatigineqarnerluni?**

Ingerlatseqatigiiffinnut namminersortitanut suliffeqarfinnullu assingusunut Namminersorlutik Oqartussat sulisorisaannut malittarisassat tamakku atuupput.

Aktieselskabini Namminersorlutik Oqartussanit tamakkiisumik ilaannakortumilluunniit pigineqartuni siulersuisut atuuttut ingerlatseqatigiiffiup sulisuinut naammaginartumik isumaqatigiissuteqarnissamik pingaarnerpaajullutik akisussaapput. Naalakkersuisut naatsorsuutigaat ingerlatseqatigiiffinni akissarsiatigut atugassarititat ingerlatseqatigiiffiup aningaasaqarnera anguniagaalu malissagaat. Aammattaaq akissarsiaqartitsineq inuiaqatigiinni akissarsiat ineriartornerinut naammaginartumik

17. feb 2012
Sagsnr. 2012-061320
Dok. Nr. 817551

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

assersuunneqarsinnaasariaqarput sulisut pisinnaasallit sulisortaarinnissaat
sulisoriinnarnissaallu periarfissaqartinniarlugu.

Inussiarnersumik inuulluaqqusillunga

Maliina Abelsen